

## म्हाने सेवा रो अवसर दिजो राज भैरु दादा रंगीला

म्हाने सेवा रो अवसर दिजो राज, भैरु दादा रंगीला,  
आज दर्शन रा कोड म्हारा पुरजो राज, भैरु दादा रंगीला ।  
थारा भक्ति रा भूखा आया राज, भैरु दादा रंगीला,  
म्हारी डोर, धनी थे संभालजो राज, भैरु दादा रंगीला ॥

थाने जैन - अजैन माने राज, भैरु दादा रंगीला,  
नर - नारीया मंगल गावे राज, भैरु दादा रंगीला ।  
थारा भक्तों ने पर्चो दिजो राज, भैरु दादा रंगीला,  
दीन - दुःखिया री झोली भारजो राज, भैरु दादा रंगीला ॥  
म्हाने सेवा रो अवसर दिजो राज, भैरु दादा रंगीला..

थारो डूंगरु पर डमरु बाजे राज, भैरु दादा रंगीला,  
खड्ग - खप्पर धारी आवजो राज, भैरु दादा रंगीला ।  
थारो त्रिशूल की धरती धूजै राज, भैरु दादा रंगीला,  
थारो पर्चो जगत में छावे राज, भैरु दादा रंगीला ॥  
म्हाने सेवा रो अवसर दिजो राज, भैरु दादा रंगीला..

आवो पधारो म्हारे आंगने राज, भैरु दादा रंगीला,  
आवो घुंघरिया घमकाओ राज, भैरु दादा रंगीला ।  
नाकोड़ा परिवार री मनुवार मानो राज, भैरु दादा रंगीला,  
थारा भक्त मिठाई जिमावे राज, भैरु दादा रंगीला ॥  
म्हाने सेवा रो अवसर दिजो राज, भैरु दादा रंगीला..

<https://bhajanganga.com/bhajan/lyrics/id/1730/title/khane-seva-ro-avsar-dijo-raj-bhairu-dada-rangila>

अपने Android मोबाइल पर [BhajanGanga](#) App डाउनलोड करें और भजनों का आनंद ले |